



UNIVERSITI TEKNOLOGI MARA

PEKELILING PENDAFTAR

Bilangan 09 Tahun 2024

TAWARAN CUTI BELAJAR BERGAJI PENUH DENGAN/ TANPA BIASISWA KEPADA STAF PENTADBIRAN (KUMPULAN PELAKSANA) UiTM BAGI PENGAJIAN DI PERINGKAT DIPLOMA DAN IJAZAH SARJANA MUDA SESI PENGAJIAN TAHUN 2023

TUJUAN

1. Pekeliling ini bertujuan mempelawa Staf Pentadbiran (Kumpulan Pelaksana) Universiti Teknologi MARA (Gred 11 hingga Gred 40) yang memenuhi syarat-syarat kelayakan untuk memohon Cuti Belajar Bergaji Penuh Dengan Biasiswa atau Cuti Belajar Bergaji Penuh Tanpa Biasiswa (dengan tajaan yuran pengajian) bagi mengikuti pengajian di peringkat Diploma (Kumpulan Pelaksana Gred 11 hingga Gred 28) dan Ijazah Sarjana Muda (Kumpulan Pelaksana Gred 29 hingga Gred 40) sesi pengajian tahun 2024.
2. Staf yang berkelayakan untuk mengikuti pengajian di peringkat Diploma dan Ijazah Sarjana Muda hendaklah mempunyai pengetahuan, kemahiran, pengalaman, minat dan perwatakan atau sikap yang sesuai bagi menentukan kejayaan dalam pengajian dan seterusnya berupaya memberi sumbangan ke arah meningkatkan keberkesanan perkhidmatan dan organisasi.

LATAR BELAKANG

3. Mesyuarat Jawatankuasa Induk Peningkatan Kerjaya Sumber Manusia (JKI-PKSM) Bil. 63/2024 pada 30 Januari 2024 telah meluluskan pembukaan iklan tawaran Cuti Belajar Bergaji Penuh Dengan/ Tanpa Biasiswa kepada Staf Pentadbiran (Kumpulan Pelaksana) UiTM bagi pengajian di peringkat Diploma dan Ijazah Sarjana Muda sesi pengajian tahun 2024.

4. Mesyuarat Majlis Sumber Manusia (MSM) Bil. 64/2022 pada 03 Februari 2022 telah bersetuju dengan cadangan dasar penambahbaikan syarat bagi tawaran Cuti Belajar Bergaji penuh Peringkat Diploma dan Ijazah Sarjana Muda kepada Staf Pentadbiran (Kumpulan Pelaksana) di mana kemudahan ini akan dibuka kepada kumpulan pelaksana di Gred 11 hingga Gred 40.

SYARAT PERMOHONAN

5. Syarat permohonan adalah seperti di Lampiran 1.

TANGGUNGJAWAB KETUA JABATAN

6. Ketua Jabatan adalah dinasihatkan supaya membuat semakan yang teliti dan memberi sepenuh perhatian kepada syarat-syarat yang ditetapkan. Sehubungan itu, adalah menjadi tanggungjawab Ketua Jabatan untuk memperakukan calon yang sesuai serta memenuhi syarat-syarat yang ditetapkan oleh UiTM.

7. Sebelum mengemukakan pencalonan, Ketua Jabatan adalah diminta untuk membuat perancangan yang teliti dan hanya memperakukan calon yang boleh dilepaskan untuk bercuti belajar oleh Ketua Jabatan pada tahun 2024.

8. Sekiranya kesemua calon yang diperakukan oleh Ketua Jabatan Berjaya ditawarkan biasiswa/ cuti belajar ini, Ketua Jabatan berkenaan adalah dikehendaki memberi pelepasan cuti belajar kepada mereka untuk menjalani pengajian. Untuk makluman, pelepasan calon untuk bercuti belajar adalah dengan tanpa penggantian untuk jawatan berkenaan sehingga calon tamat cuti belajar.

TATACARA PERMOHONAN

9. Tatacara permohonan adalah seperti berikut:

9.1 Permohonan hendaklah dibuat secara dalam talian mulai 13 Februari 2024 melalui sistem e-Biasiswa Pelaksana dengan melayari laman web rasmi UiTM di <http://www.uitm.edu.my> dan seterusnya mendaftar (Login ID) di Portal i-Staf.

9.2 Permohonan yang tidak melalui e-Biasiswa Pelaksana tidak akan diproses.

- 9.3 Permohonan yang tidak menepati syarat-syarat yang ditetapkan, mengandungi maklumat yang tidak benar serta tidak lengkap tidak akan dipertimbangkan.
- 9.4 PTJ perlu membuat semakan dan memastikan perakuan Ketua Jabatan dibuat pada permohona calon melalui e-Biasiswa Pelaksana.
- 9.5 Tarikh tutup permohonan adalah pada 26 Februari 2024, jam 5:00 petang.
- 9.6 Pemohon yang disenarai pendek akan dipanggil untuk sesi temuduga oleh Bahagian Kemajuan Kerjaya, Jabatan Pengurusan Sumber Manusia, Pejabat Pendaftar.
- 9.7 Keputusan permohonan adalah di bawah kuasa Jawatankuasa Induk Peningkatan Kerjaya Sumber Manusia (JKI-PKSM), Universiti Teknologi MARA dan muktamad.
- 9.8 Calon yang berjaya menerima tawaran perlu memastikan mereka berjaya mendapatkan tempat pengajian dan memulakan cuti belajar dalam tahun 2024.

TARIKH DIKELUARKAN

10. Pekeliling dikeluarkan pada 13 Februari 2024.

TARIKH KUATKUASA

11. Pekeliling ini berkuatkuasa pada 13 Februari 2024.

اوسها، تقوى، موليا

"MALAYSIA MADANI"

"BERKHIDMAT UNTUK NEGARA"



(HAJI MUHAMAD NIZAM BIN NOORDIN, *MMIHRM*)

Pendaftar

Dikelilingkan Kepada:

Semua Rektor-Rektor UiTM Cawangan
Semua Penolong Naib Canselor Kolej Pengajian
Semua Dekan/ Fakulti/ Akademik/Institut
Semua Ketua Jabatan/ Bahagian/ Pusat/ Unit
Universiti Teknologi MARA

Bil. Fail : 100-BPD(PT.6/3)
No Siri : 100-BPD(Bil. 09/2024)

**SYARAT PERMOHONAN TAWARAN CUTI BELAJAR BERGAJI PENUH DENGAN
BIASISWA DAN TANPA BIASISWA (TAJAJAN YURAN PENGAJIAN SAHAJA) KEPADA
STAF PENTADBIRAN (KUMPULAN PELAKSANA) UiTM BAGI MENGIKUTI PENGAJIAN
SESI TAHUN 2024:
PERINGKAT DIPLOMA**

1. Terbuka untuk staf pentadbiran dalam Kumpulan Pelaksana di Gred 11 hingga 28.
2. Warganegara Malaysia.
3. Berjawatan tetap.
4. Telah disahkan dalam perkhidmatan semasa memohon.
5. Telah memenuhi genap tiga (3) tahun perkhidmatan dengan UiTM dalam lantikan tetap.
6. Berumur tidak lebih daripada 45 tahun pada tarikh iklan ditutup.
7. Bebas daripada tempoh tindakan tatatertib.
8. Penilaian Prestasi Tahunan adalah:
 - a) minimum 90% untuk tempoh tiga (3) tahun terkini dan berturut-turut (kelayakan dengan biasiswa); atau
 - b) minimum 85% untuk tempoh tiga (3) tahun terkini dan berturut-turut (kelayakan tanpa biasiswa, tajaan yuran pengajian sahaja)
9. Penerima Anugerah Perkhidmatan Cemerlang sekurang-kurangnya sekali sepanjang tempoh perkhidmatan di UiTM.
10. Telah mengisytiharkan harta mengikut peraturan yang sedang berkuat kuasa.
11. Mempunyai kelayakan SPM atau yang diiktiraf setaraf dengannya oleh Kerajaan Malaysia dan memenuhi syarat-syarat kemasukan yang ditetapkan mengikut program yang dipohon.
12. Permohonan daripada staf yang telah memiliki kelayakan di peringkat yang sama tanpa mengira bidang pengkhususan tidak akan dipertimbangkan.
13. Permohonan daripada staf yang telah memiliki kelayakan di peringkat yang lebih tinggi daripada peringkat yang dipohon tanpa mengira bidang pengkhususan tidak akan dipertimbangkan.
14. Pemohon mestilah tidak pernah menerima biasiswa ini bagi peringkat pengajian yang dipohon.
15. Pemohon mestilah bebas daripada senarai hitam peminjam PTPTN.
16. Tempoh pengajian dan cuti belajar adalah tertakluk kepada pelan pengajian dan keputusan Universiti.
17. Kursus yang diikuti mestilah berkaitan dengan tugas hakiki pemohon dan bertujuan untuk kepentingan perkhidmatan.
18. Tempat pengajian adalah di UiTM sahaja.
19. Calon yang memohon hendaklah memenuhi syarat-syarat kemasukan ke UiTM bagi program Diploma yang akan diikuti.

**SYARAT PERMOHONAN TAWARAN CUTI BELAJAR BERGAJI PENUH DENGAN
BIASISWA DAN TANPA BIASISWA (TAJAJAN YURAN PENGAJIAN SAHAJA) KEPADA
STAF PENTADBIRAN (KUMPULAN PELAKSANA) UiTM BAGI MENGIKUTI PENGAJIAN
SESI TAHUN 2024:
PERINGKAT IJAZAH SARJANA MUDA**

1. Terbuka untuk staf pentadbiran dalam Kumpulan Pelaksana di Gred 29 hingga 40.
2. Warganegara Malaysia.
3. Berjawatan tetap.
4. Telah disahkan dalam perkhidmatan semasa memohon.
5. Telah memenuhi genap tiga (3) tahun perkhidmatan dengan UiTM dalam lantikan tetap.
6. Berumur tidak lebih daripada 45 tahun pada tarikh iklan ditutup.
7. Bebas daripada tempoh tindakan tatatertib.
8. Penilaian Prestasi Tahunan adalah:
 - a) minimum 90% untuk tempoh tiga (3) tahun terkini dan berturut-turut (kelayakan dengan biasiswa); atau
 - b) minimum 85% untuk tempoh tiga (3) tahun terkini dan berturut-turut (kelayakan tanpa biasiswa, tajaan yuran pengajian sahaja)
9. Penerima Anugerah Perkhidmatan Cemerlang sekurang-kurangnya sekali sepanjang tempoh perkhidmatan di UiTM.
10. Telah mengisytiharkan harta mengikut peraturan yang sedang berkuat kuasa.
11. Mempunyai kelayakan Diploma yang berkaitan (ditetapkan oleh Universiti) dengan CGPA 3.00 dan ke atas atau yang setaraf dengannya dan memenuhi syarat-syarat kemasukan yang ditetapkan mengikut program yang dipohon.
12. Permohonan daripada staf yang telah memiliki kelayakan di peringkat yang sama tanpa mengira bidang pengkhususan tidak akan dipertimbangkan.
13. Permohonan daripada staf yang telah memiliki kelayakan di peringkat yang lebih tinggi daripada peringkat yang dipohon tanpa mengira bidang pengkhususan tidak akan dipertimbangkan.
14. Pemohon mestilah tidak pernah menerima biasiswa ini bagi peringkat pengajian yang dipohon.
15. Pemohon mestilah bebas daripada senarai hitam peminjam PTPTN.
16. Tempoh pengajian dan cuti belajar adalah tertakluk kepada pelan pengajian dan keputusan Universiti.
17. Kursus yang diikuti mestilah berkaitan dengan tugas hakiki pemohon dan bertujuan untuk kepentingan perkhidmatan.
18. Tempat pengajian adalah di UiTM sahaja.
19. Calon yang memohon hendaklah memenuhi syarat-syarat kemasukan ke UiTM bagi program Sarjana Muda yang akan diikuti.